



ბიზნესის სკოლა (ESM)

ბიზნესის ადმინისტრირების სამაგისტრო პროგრამა

პროგრამის სახელწოდება

ბიზნესის ადმინისტრირება

მისანიჭებელი კვალიფიკაცია

ბიზნესის ადმინისტრირების მაგისტრი

სწავლების მოცულობა კრედიტებით

70 ECTS

სწავლების ენა

ქართული

პროგრამის მიზანი

თბილისის თავისუფალი უნივერსიტეტის ბიზნესის ადმინისტრირების სამაგისტრო პროგრამის მიზნებია:

- საშუალო და მაღალი რგოლის მენეჯერებს, ანალიტიკოსებს და კონსულტანტებს შეუქმნას ისეთი საგანმანათლებლო გარემო, სადაც ისინი შეძლებენ გაიღრმავონ ბიზნესის მართვის ინსტრუმენტების თეორიული ცოდნა და ბიზნეს პროცესებში გადაწყვეტილებების მიღების უნარები.
- უკეთ მოამზადოს სტუდენტები პრაქტიკაში დასმულ ამოცანებისა და გამოწვევების თამამად გამკლავებისათვის.
- გაუმჯობესოს სტუდენტებს შეზღუდული რესურსების პირობებში ოპტიმალური გადაწყვეტილებების მიღების უნარები კომპანიის ღირებულების გასაზრდელად.

დასაქმების სფეროები

პროგრამის დასრულების შემდეგ კურსდამთავრებულები გააგრძელებენ მუშაობას უფრო მაღალი რანგის მენეჯერებად და ბიზნეს-ანალიტიკოსებად/კონსულტანტებად უკეთესი კარიერული წინსვლის პერსპექტივით. ისინი შეძლებენ პროექტების მართვასა და საინვესტიციო გადაწყვეტილებების მიღებას. გარდა ამისა, კურსდამთავრებულები შეძლებენ ბიზნესის წამოწყებას და მართვას როგორც პარტნიორები.

პროგრამაზე დაშვების წინაპირობა

სამაგისტრო პროგრამაზე ჩარიცხვა ხდება კანონმდებლობით დადგენილი წესით.

პროგრამაზე სწავლა შეუძლია პირს, რომელმაც „უმაღლესი განათლების შესახებ“ საქართველოს კანონის, საერთო სამაგისტრო გამოცდის დებულებისა და თბილისის თავისუფალი უნივერსიტეტის შიდა რეგულაციების შესაბამისად მოიპოვა უფლება ისწავლოს თბილისის თავისუფალ უნივერსიტეტში.

საგანმანათლებლო პროგრამაზე ჩარიცხვის დროს, მხედველობაში მიიღება კანონმდებლობის მოქმედი რედაქცია.

თბილისის თავისუფალი უნივერსიტეტის მიერ განსაზღვრულია პროგრამაზე დაშვების შემდეგი წინაპირობები:

- კანონმდებლობით დადგენილი წესით საერთო სამაგისტრო გამოცდების ჩაბარება
- მინიმუმ 2 წლიანი სამუშაო გამოცდილება (რომლითაც ხდება მართვის გამოცდილების დემონსტრირება)
- შიდა საუნივერსიტეტო გამოცდის (გასაუბრების ფორმით) წარმატებით გავლა

გამოცდას აქვს ინტერვიუს ფორმა, სადაც მოწმდება:

- კანდიდატის კრიტიკული და ლოგიკური აზროვნების უნარი, რაოდენობრივი და ხარისხობრივი სიტუაციების ანალიზის საფუძველზე;
- პიროვნული უნარ-ჩვევები, რაც განსაზღვრავს კანდიდატის მოტივაციას, ლიდერობას და ეფექტური კომუნიკაციის უნარს.

მაგისტრანტობის კანდიდატის საერთო სამაგისტრო გამოცდაში მიღებული ქულის კოეფიციენტი არის 0, ხოლო თბილისის თავისუფალი უნივერსიტეტის გამოცდის კოეფიციენტი არის 100.

პროგრამაზე სწავლა შეუძლია პირს, რომელიც აკმაყოფილებს საქართველოს კანონმდებლობით დადგენილ მოთხოვნებს და თბილისის თავისუფალი უნივერსიტეტის შიდა რეგულაციებს.

სწავლის შედეგები

ბიზნესის ადმინისტრირების სამაგისტრო პროგრამის დასრულების შემდეგ კურსდამთავრებული:

1. სიღრმისეულად იაზრებს ბიზნესის ბუნებას, მისი საქმიანობის სფეროებს, შესაძლებლობებს, შეზღუდვებსა და გამოწვევებს; ჰოლისტურად განიხილავს ბიზნესის მართვის ძირითად კონცეფციებს.
2. კრიტიკულად მსჯელობს ბიზნესის სტრატეგიების საკვანძო საკითხებზე და არგუმენტირებულად ასაბუთებს საკუთარ მოსაზრებებს.
3. აანალიზებს ბიზნესის განვითარების შესაძლებლობებს და შეიმუშავებს სტრატეგიებს ბიზნესის მართვის მულტიდისციპლინური მიდგომის გამოყენებით.
4. აანალიზებს ბიზნეს-საქმიანობას, ახდენს პრობლემების იდენტიფიცირებას და შეიმუშავებს მათი გადაჭრის ორიგინალურ გზებს.
5. ეფექტურად წარადგენს (ზეპირი ან/და წერილობითი ფორმით) არგუმენტებსა და დასკვნებს როგორც აკადემიური, ასევე პროფესიული საზოგადოებისა და დაინტერესებული მხარეებისთვის.
6. კრიტიკულად იზიარებს და აფასებს ბიზნესის და კორპორაციული ეთიკის პრინციპებს და ღირებულებებს.
7. ახალ, გაუთვალისწინებელ ან/და მულტიდისციპლინურ გარემოში დამოუკიდებლად შეიმუშავებს და მართავს სხვადასხვა ტიპის კომპლექსურ პროექტს.

სწავლებისა და სწავლის მეთოდები

სწავლის შედეგების მისაღწევად თითოეული სასწავლო კურსის მიზნიდან გამომდინარე, განსაზღვრულია შესაბამისი სწავლისა და სწავლების მეთოდები. პროგრამის ფარგლებში, როგორც წესი, გამოიყენება სწავლების შემდეგი ფორმები და მეთოდები:

- ვერბალური მეთოდი
- ლიტერატურასა და პუბლიკაციებზე მუშაობის მეთოდი
- წერიტი მუშაობის მეთოდი
- ჯგუფური მუშაობა
- პრობლემაზე დაფუძნებული სწავლების მეთოდი
- დემონსტრირების მეთოდი
- ინდუქციური მეთოდი
- დედუქციური მეთოდი
- ანალიზის მეთოდი
- სინთეზის მეთოდი
- პრაქტიკული მეთოდები
- ახსნა-განმარტებითი მეთოდი
- ინტერაქციული მეთოდი
- შედარებითი მეთოდი
- ქმედებაზე ორიენტირებული სწავლება
- თანამშრომლობითი სწავლება
- დისკუსია/დებატები
- გონებრივი იერიში
- ქეისების განხილვა (case studies)

ამასთან, ლექტორი უფლებამოსილია სასწავლო პროცესში გამოიყენოს ისეთი მეთოდი, რომელიც პროგრამაში არ არის მითითებული. განსხვავებული მეთოდის გამოყენების შემთხვევაში, ინფორმაცია მიეთითება სილაბუსში.

სწავლის შედეგების გაზომვისას გამოიყენება ისეთი შეფასების ფორმები, როგორიცაა: დისკუსიაში მონაწილეობის შეფასება; აქტიურობის შეფასება; შუალედური გამოცდები; საშინაო დავალებები; ქვიზები; პრაქტიკული სამუშაოები; პროექტები; ანგარიშები; წერიტი ნაშრომები; ესეები; ზეპირი გამოკითხვა; პრეზენტაციები; ღია/დახურული ტესტები; დასკვნითი გამოცდები და სხვა. სასწავლო კურსების მიხედვით სწავლის შედეგების გაზომვის მეთოდები გაწერილია სილაბუსებში.

ცოდნის შეფასების სისტემა

სტუდენტის ცოდნა ფასდება 100-ქულიანი სისტემით. შეფასება მრავალკომპონენტურია და შეესაბამება საქართველოს განათლებისა და მეცნიერების მინისტრის 2007 წლის 5 იანვრის N3 ბრძანებით დამტკიცებულ უმაღლესი

საგანმანათლებლო პროგრამების კრედიტებით გაანგარიშების წესს. სტუდენტის ცოდნის შეფასების დროს, პროგრამის განხორციელებაში ჩართული აკადემიური და მოწვეული პერსონალი ვალდებულია გამოიყენოს ზემოაღნიშნული წესი. ცოდნის შეფასებისას გამოიყენება შემდეგი სქემა:

ხუთი სახის დადებითი შეფასება:

- (A) ფრიადი – 91-100 ქულა
- (B) ძალიან კარგი – 81-90 ქულა
- (C) კარგი – 71-80 ქულა
- (D) დამაკმაყოფილებელი – 61-70 ქულა
- (E) საკმარისი – 51-60 ქულა

ორი სახის უარყოფითი შეფასება:

- (FX) ვერ ჩააბარა – 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება
- (F) ჩაიჭრა – 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

სასწავლო გეგმა

პროგრამა შედგება სამი მოდულისა და არჩევითი კომპონენტისგან.

საგანმანათლებლო პროგრამას თან ერთვის კურიკულუმი და მოდულური გეგმა.

ადამიანური და მატერიალური რესურსები

თბილისის თავისუფალი უნივერსიტეტი ახორციელებს საგანმანათლებლო პროგრამას გამორჩეული კვალიფიკაციისა და წარმატებული გამოცდილების მქონე აკადემიური და მოწვეული პერსონალით.

საგანმანათლებლო პროგრამის განხორციელება უზრუნველყოფილია ფინანსურად და მატერიალურად. პროგრამის განსახორციელებლად უნივერსიტეტი გამოყოფს შესაბამის ფინანსურ და მატერიალურ რესურსს. საგანმანათლებლო პროგრამა განხორციელდება კახა ბენდუქიძის კამპუსში, რომელიც აღჭურვილია მაღალი ხარისხის განათლების მისაღებად საჭირო ინვენტარით და ყველა სხვა რესურსით.